

Uunga siunnersuut: Meeqqanut inatsisip Kalaallit Nunaanni meeqqat inatsisitigut inissisimanerat pillugu inatsit nr. 197, 16. juuni 1962-imeersoq naapertorlugu allannguutissap atuutilernissaanut aalajangiiffigisassatut siunnersuut kiisalu inatsit nr. 154, 27. maaji 1964-imeersoq Kalaallit Nunaanni kingornussisarnermut tunngasoq pillugu Inatsisartunut aalajangiiffigisassatut siunnersuut.

(inatsisitigut ataataqanngitsut)

Saqqummiussissutissaq

(Naalakkersuisut siulitaasuat aamma Nunanut allanut tunngasunut Naalakkersuisoq)

Siullermeerneqarnera

Innuttaaqatitta ilaasa inatsisitigut ataataqanngitsut inatsisitigut inissisimanerisa erseqqissaavigineqarnissaanut naalagaaffiup inatsisaata allannguutissaanut siunnersuut una sivisuumik utaqineqarsimavoq.

Siunnersuut una aqqutigalugu, meeqqat inatsisitigut inissisimanerannut inatsisip atuutilerenera sioqqullugu meeqqat uersagaallutik inunngorsimasut ataatassarsiorsinnaalernissaat qulakkeerneqassaaq, aamma inatsisip atuutilerenerata kingornatigut meeqqat inunngorsimasut, ataatassarsiorneqarnerannilu aalajagiisoqarsimappat angut ataaseq arlallilluunniit meeqqamut akilersuisussanngortinneqarsimallutik, taava uersagaq piarerriffisaqalissaaq ataatassarsiuinerup suliareqqinneqarnissaanut qinnuteqarnissaminut, suliassanngortitseqqinnissamut piunnaasaqatit naammassineqarsimangikkaluarpataluunniit.

Ataatassarsiuinermik suliassanngortitseqqittarnermi inatsisitut nalinginnaasutut pinnatik, pineqartuni immikkorluinnaq ittuni ukunani, siunnersuutigineqarpoq suliassaq meeqqap eqqartuussiveqarnikkut angerlarsimaffiani suliarineqarsinnaassassasoq, aamma akiliumneqarlunilu eqqartuussinermik ingerlatsinissamut piunnaasaqatit naammassineqarsimangikkaluarpataluunniit siunnersuutigineqarpoq meeqqap eqqartuussisuserisumik ikiortissaanik toqqaasoqarsinnaassassasoq.

Siunnersuuteqarnikkut inatsisitigut ataataqanngitsit periarfissaqalissapput kina ataatarinerlugu paasissallugu. Aamma ataaminnit kingornusinissaminut pisinnaatitaaffeqalissapput, ataatamillu kinguliaanik ateqarsinnaatitaallutik.

Taamatut oqaaseqarlunga siunnersuut Inatsisartunut suliarilluarneqaqqullugu ingerlatippara, Naalakkersuisullu siunnersuutigaat siunnersuut aappassaaneerneaqannginnermini Ilaqutariinnermut Peqqissutsimullu ataatsimiititaliami suliarineqaqqaassasoq.